

OCA a organisa

Feria Nacional Yeguas de Paseo

ORANJESTAD - Durante e fin di siman di 6 y 7 di juni, a tuma luga e Feria Nacional organisa pa OCA. E hues pa e evento aki tabata Carlos Londoño, procedente di Colombia.

Den e prome categoria di Yeguas de Paseo, Chiquinquira de la Mecanica a sali e Mejor Yegua de Paseo, triunfando riba Sensacion del Campo cual tabata dominando den Paseo e ultimo ferianan, den segundo luga a keda Ibiza, cual a estrena pa prome biaha den pista di competencia, y na di tres luga a keda Cielo de Amistad. Como Mejor Caballo de Paseo a keda Canelo de Guadalupe y Mejor Capon a keda pa Expreso. Den yegua di Trote y Galope, Promesa di Villa Floralina a demonstra di tin un bon futuro su dilan-

ti, titulando Gran Campeon y lagando Reserva pa Renata, y Noche de la Villa como primera finalista.

Den Trocha yegua, Teoria a



sa di sobresali pa keda Gran Campeon y lagando su yiu Amatista como Gran Campeon Reserva. Den Trocha macho Sonado de Don Mateo a keda Gran Campeon, sigui pa Oasis de los Sauces. Den yeguanan fini, e cabay nobo Polvora de los Reyes



di Myron Wever a demonstra su calidad un biaha mas kedaando corona como e Gran Campeona, sigui pa Hechizada di Villa Floralina como e Reserva, Lirica de Villa Victoria como prome finalista, Tormentosa segundo finalista y Acai tercer finalista.



Den macho fini Davinci de Libano VO di Villa Floralina a keda como e Gran Campeon, sigui pa Magico propiedad di Lucho Claro como e Reserva. Magico a haci su estreno na e comienso di aña, y desde su estreno a sigui subi



di puesto pa a yega na Gran Campeon Reserva, un potro cu hopi futuro y cu sigur lo ta un competido fuerte pa e otro machonan. Prome finalista a keda Expreso de Alto Vista, cu a haci un bunita presentacion, segundo finalista Avatar di Dairo Jimenez, tercer finalista Alabardero de Vuelta Grande di Brigitte Werleman, y como di cuater finalista a keda Rasputin di Eva y Franciscus Pols.

OCA ta manda un palabra di pabien pa tur participante, doño di cabay y montado pa nan bon trabou. Siguierte feria di OCA lo ta e gran Interpaso cual lo tuma luga augustus 28-30 na Villa Floralina. □